

中華文史叢書之
清、道光元年刊本
明、嘉靖刊本
清、光緒刊本
王有立主編

據國立台灣大學
圖書館藏本影印

馮田劉
汝文
甌成蔚
撰

台灣華文書局印行

馮少司寇滇考序

西南徼外大抵皆漢武所開其雄才大畧足以恢拓殊俗漸漬風教陵海越障重譯內屬穿鼻僮耳委命下吏此非腐儒小生可得而輕議者也其後書缺有間雖曰荒遠其盛衰畔服之故每與中國相倚伏非特稽古者所當考究實謀國者所宜咨籌也夫沈木龍尾之種與邇水竹王之姓語多不經不必盡辨卽金馬碧雞不過光景隱見五嶽四瀆敢於黠綴佳名漢孰與我大烏足哂乎數千年來或奉職入貢或劫掠城邑或僭號稱尊或封域自守參差不一要豈無

因而然歟散在諸史及稗官小說郡邑乘志荒惑厯
雜縉紳大夫難言之矣少司寇再來馮公腹笥五車
才優三長昔年游宦爲永昌司李覽其山川風物稽
其部落邑聚核其境土疆界詳其得失存亡於是爲
滇考一書大意在於先修文德綏輯遠人揀選良吏
務爲惠懷嚴飭邊備不事侵擾屏遠貪殘絕棄珍異
斯則安固圉之石畫確論也故觀王追李頤之在元
和則知其學校興矣觀張喬楊疎之在元初則知其
刻石圖像矣觀張嶷馬忠之在建興則知其郡邑安
穆矣觀韋臯李德裕之在元和大中則知其籌邊樓

紀功碑之方畧足稱矣觀賽典赤張立道之在至元
大德則知其勸農建廟之血食遺愛矣不然而爲尹
就爲李知古爲王昱爲張虔陀爲鮮于仲通爲劉深
爲錢能楊榮貪其祚馬熨僮牛毘之利竇幪火毳蘭
于之珍乾沒不已生事起釁幾何不挺而走險爲人
生大患也再來先生其識遠其見超其叙次也瞻詳
而雅馴其用意也高遠而仁厚豈尋常紀事之書所
可比擬也乎吾讀史自左馬班范而後殆難其爲繼
也惟歐陽永叔五代史陸放翁南唐書尙有典型若
先生此書歐陸之儔也可以爲龜鑑可以佐廟謨可

以勸循良可以見兵機可以助防禦可以資博識
以懲螳臂可以戒窮黷可以備輿圖上下卷中九善
備焉卽易其名曰渙史列于金匱石室之藏其誰曰
不宜

康熙庚申日躔析水之次年家侍生柏鄉魏裔介題
於里居之博雅堂

序

前賢輶車所至輒有成書後之讀之者以爲此菟林之瓊瑰而詞人之羽翰也然而經術有旅固非一揆輿圖之編其來尙矣神禹開疆於前職方嗣響於後而伯益嗜奇燦若九金之鼎猗歟偉矣雖然君子之載筆也固將經緯天地耳而經緯天地又以人事爲歸不然者鉛槧齟皇或失則不詳或失則不經其下者中郎秘之帳中耳卽上之或以標羣玉之峯矜上帝之府也有餘哉而終於人事鮮裨焉楊馬賦手麗而不則曲終奏雅其與幾何大言炎炎殊有逕庭矣

再來先生以壯猷偉畧攜危疆以還之

天子

天子嘉之聖門之所謂可與權者非歟予乃得肩隨而朝夕共事幸矣迨讀演考一書乃知學固有本而志固有素良非偶然而一編爲百世鑑亦非華陽益部諸冊所可望其肩背者也意切柔能遠畧故不屑屑撫山川土物之繁以爲富而於得失治亂之所以然者每篇之亂三致意焉正如武惠辟盤左戈右印國工楸枰扼要爭先此百代柔遠之龜蓍而玉斧之外永安覆盂以大匡聖治者也譬之日月所經岳瀆

燭照而萬物以滋千却不改亦以人事爲功也經國
大業不朽勝事於是乎取之子桓之言不誣矣其中
扶翼天常激揚名義風教所關彝倫式叙而大旨則
尤在型茲仁廉懲彼貪沓蓋荒服之召釁也率由官
邪促之榮公溪壑視金車之求千百倍而無算彼蚩
蚩者怨詛不能自抑挺而走險固其所也不德則鹿
不亦信而可徵乎不然者六詔雖遐其審於利害固
與冠帶之倫同矣苟能疆以周索蔡人亦吾人也豈
其不惜項領而以上國之京觀爲樂乎必不然矣此
固古今得失之林也後之讀是編者能得其意而用

之無寧茲蕞爾枚寧恪恭正朔我知王會可圖越裳
可譯於是始基之矣先生詩文之外著述纍纍而世
德世學之貽卽閨閣遺澤有煒彤管夫嶠岷固有其
源也先生之授簡也戒予勿辭費故僅誌其崖畧如
此

溜川年家第高珩并題


滇考原序

學而不明於治亂之故無貴乎其學也仕而不察於治亂之由無貴乎其仕也顧學在端其本源而仕必鏡乎往事知往所以治卽知今所以致治矣知往所以亂卽知今所以弭亂矣滇固昔所稱易亂而難治者也我國家勞百萬師以取之特畱藩旗設行臺大臣以理之內而三使司外而分四道十鎮一十八郡以交制之其不鄙棄遠人欲與同享太平之盛之意甚厚官此土者顧勿能考人情土俗所宜登斯民於衽席揆諸學古入官之義不有愆乎予小子承乏

理金齒三稔矣幸得免覆餗平反之暇思進觀前代之事蹟而載籍缺然年來往還滇洱閭殘編斷簡以次購集大抵乘苦於繁而寡要稗失於怪而不經因不揣固陋舉其事之最著者分題彙輯爲三十有七篇名之曰滇考自戰國迄明興輯治亂之數釐然備陳於是知滇非難治也予之以鄭純張翕賽典赤諸人欲無治不可得也非易亂也予之以張虔侔劉深陳典諸人欲無亂不可得也非易亂而難治也予之以陳立楊竦韋仁壽諸人欲無轉亂以爲治不可得也傳曰學者效也又曰仕而優則學此予滇考一書

之所爲作乎若夫山川之融結人物之生聚仙真佛
子之出滅則向者乘與稗備之非予所能盡收也予
所考者爲仕而學者考也又曰在端其本源何也操
之以廉潔行之以仁恕無徃而不得治焉不必考亦
可也豈

康熙建元歲次乙巳仲春中浣永昌軍民府推官天
台馮甦書於九隆山下之春輝堂



滇考目錄

卷上

楚莊驕王滇

漢通西南爨置郡縣

金馬碧雞之神

鷓鴣侯

益州諸新郡吏績

哀牢國內附

諸葛武鄉侯南征

晉寧州刺史

隋史萬歲平獍菑

唐初經理滇中

南詔始興

并六詔爲一

南詔叛殺張虔陀李宓等

異牟尋復歸唐

王嵯巔入寇

世隆僭號

唐與南詔和親

鄭賈嗣趙善政楊干貞篡奪

段氏大理國始末

卷下

元世祖平雲南

賽典赤張立道父子政績

元征緬與八百媳婦國

元雲南諸王

十一總管

明三將軍定雲南

沐黔國世裔

建文遜跡

征麓川

三宣六慰

鎮守太監

緬甸莽瑞體父子入寇

武尋諸府改設流官始末

珍貢

議開金沙江

滇南科目

水鳥之變

普吾沙亂滇

目錄